

գիտնալ թէ՛ նոյն քաղաքը աւելի մեծ զարգացում ստացաւ շը-
նորհիւ հոռմէական այն լեզէոնին, որ Քրիստոսի 70 թուականին,
Երուսաղէմը պաշարող ուրիշ լեզէոններու մէջ գանուելով՝ քա-
ղաքին առումէն յետոյ, Տիտոսի ձեռքով հաստատուեցաւ ի Մե-
լիտինէ, Եփրատի արեւմտեան կողմը: ԺԲ. լեզէոնն էր ան, Շակ-
թանիզ գունդը, որ իբր խորհրդանշան կը կրէր շանթազարդ վա-
հան և դրօշակ, որ եփրատական ամրութեանց մէջ դարանակալ
կը հակէր հայկական և պարթեական արշաւանքներուն զիմա-
զրելու համար: Ռազմական կայան մըն էր Մելիտինէ, և Հռով-
մայեցիք գիտցան օգտագործել «Հատհանց» մեծամեծ ամրու-
թիւնները: ԺԲ. լեզէոնին ի Մելիտինէ բնակութեան և տեղական
գիւրութեանց պատճառաւ քաղաքը քիչ ատենէն մեծապէս զար-
գացաւ, ամէն կողմէն խուժեցին հոն և Հայոց բազմութիւն մը,
Հռովմայեցւոց օրերէն մինչև Յուստինիանոս, հոն կարեոր տեղ
մը գրաւած ըլլալով՝ քաղաքը լեզէոնական բանակավայրէն դուրս
տարածուեցաւ, և մինչև 518, հոռմէական կայսերք կարեորու-
թիւն ընծայեցին Մելիտինէին և զարգարեցին զայն հանրային
մեծամեծ շէնքերով: Զ. զարուն սկիզբը հարկ եղած էր քաղա-
քը պարսպել, Անաստաս կայսրը ձեռնարկեց գործի բայց շուտ
մեռաւ. Յուստինիանոսի վերապահուած էր այդ գործը յանձնել
տեղացի Հայոց, որ կատարեցին զայն, ինչպէս կ'իմանանք Պրո-
կոպիտէն:

Քրիստոնէական կրօնը սկսած էր հետզհետէ տարածուիլ հոռ-
մէական կայսրութեան մէջ: ԺԲ. լեզէոնը կը մնար միշտ ի Մե-
լիտինէ. ան՝ ինչպէս որ քաղաքին ընդարձակման կորիզը եղած
էր, նոյնպէս արմատը եղաւ Մելիտինէի քրիստոնէացման. կա-
նուխէն քարոզուեցաւ Աւետարանը Շանթանիզ գնդին շարքերուն
մէջ. բազմաթիւ զինուորներ ընդունեցին Աւետարանը. ոմանք
կ'ըսեն թէ ամբողջ լեզէոնը քրիստոնեայ դարձաւ: Անոնց մա-
սին Դրիգոր Նիւստացի եպիսկոպոս մեծ գովեստներ շռայլած է,
յարելով թէ անոնք ո՛րքան զինուորական կարգուսարքին խըս-
տապահ, նո՛յնքան զօրաւոր էին իրենց նոր ընդգրկած հաւատքին
մէջ ալ: Քրիստոնեայ Մելիտինէն, Զ. զարուն, ըստ Պրոկոպիտի,
գլուտ հայկական քաղաք մը կը նկատուէր: